



ATASSUT

20.10.2015

Paninnguaq M. Kruse

UKA 2015/37

Nunaqavissut tikisitallu akornanni Namminersorlutik Oqartussani, Namminersorlutik Oqartussat suliffeqarfiutaanni Kommuninilu sulisut qanoq agguataarsimanersut pillugu kisitsisinnorlugu (statistik) paasissutissamik Naalackersuisut UPA 2016-mi saqqummiusseqqullugit peqquneqarnissaamik Inatsisartut aalajangiiffingisassaat siunnersuut. Nalunaajaaneq Kalaallit Nunaannut suliffissarsiortut killilersimaarnissaat pillugu Inatsisartut Inatsisaat saqqummiussinermi aallaaviussaaq.

(Inatsisartuni ilaasortaq Suka K. Frederiksen)

Siunnersuut Atassut-miit ima oqaaseqarfingissavarput.

Siunnersuut soqutiginarluinnartoq, UPA 2016-mut Naalackersuisumut saqqummiussisussanngortitsisumik oqariartuutigineqartoq, misissuinerlalik. Nunaqavissut suliffinnut tunngatillugu, salliutinneqarnissaanut siunnerfilik, aammalu tikisat amerliartorneranik misissueqqusineq atorfilittatut sivisunerpaamik ukioq ataaseq sulieriarlutik nunarput qimattarmassuk, tamannalu ilisimavarput akisuujusinnaasoq Nunatsinnut. Taamaattumik tamakkiisumik siunnersuutigineqartoq taperserparput. Sulisoqarniarnikkut nunaqavissunik, nunatsinni annertuumik ukiuni kingullerni malunginiangassaavoq, pissutingalugu sulisoqarnikkut tikisat amerliartorneri takuneqarsinnaaleersimmata, naak kisitsisitigut ersarilluinnartunik uani misissuisitsinissami ersarinninngortussaasumi, taamatut oqareertoqarsinnaavoq illoqarfinni ataasiakkaani tamanna malunnarmat. Suliffinnik soqutiginarsaaneq aammalu nunaqavissunik sulilersitsinissaq pikkoriffinginerulernissaanut pisariaqarpoq atungassarititaasut assersuutigiinnarlugit, imaluunniit. Atorfiit inuttalerniakkat aalajangersimasuinnaat atungassarititat assigiittumik inissinnissaat. Namminerlu atorfinitsitinissamut suliffeqarfiup kiffaanngissuseqarluni tingooaraasnera ataqqillugu. Nunatsinnut aamma soorunalimi tikittartut tamatigut ajoqutaannartut isiginngilarput uagut Atassut-miik. Inuit tamarmik pikkoriffii aallaavingalugit suliffissaqarnissaallu pingaartipparput. Pingaartilluinnarparpulli nunaqavissoq salliutinneqarnissaa. Taamatut oqaaseqarfingalutigu tamakkiisumik siunnersuut ilalerparput Qujanaq.